

Летопись преподобного Нестора

УДК 93
ББК 63.3
Л52

Л52 Летопись преподобного Нестора / – М.: Книга по Требованию, 2014. – 176 с.

ISBN 978-5-517-99346-5

ISBN 978-5-517-99346-5

© Издание на русском языке, оформление
«YOYO Media», 2014
© Издание на русском языке, оцифровка,
«Книга по Требованию», 2014

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

ЛѢТОПИСЬ

ПРЕПОДОБНАГО НЕСТОРА.

ДРЕВНІЙ ТЕКСТЪ.

Се повѣсти временныхъ лѣтъ (черноризца Оедосьева манастиря Печерскаго), откуда есть пошла Руская земля, кто въ Кіевѣ нача первѣе княжити и откуда Руская земля стала есть.

Се начнемъ повѣсть сію. По потоцѣ первіе сынове Ноеви раздѣлиша землю, Симъ, Хамъ, Афетъ. И яся вѣстокъ Симви: Персида, Ватръ, тоже и до Индикія въ долгоу, и въ ширину и до Нирокурія, якоже рещи отъ вѣстока и до полуденья, и Сурія, и Мидія по Ефратъ рѣку, Вавилонъ, Кордуна, Асуряне, Мисопотамира, Аравія старѣйшая, Елмаисъ, Инди, Аравія силная, Кулія, Комагины. Финикія вся. Хамови же яся полуденная страна: Еюпетъ, Еювопья, прилежащая ко Индомъ, другая же Еювопья, изъ нея же исходитъ рѣка Еюіопская Чермна, текущи на вѣстокъ, Оива, Ливія прилежащи до Киринія, Мармарія, Суритъ, Ливуи другая, Нумидья, Масурія, Мавританья противу сущи Гадирѣ; сущимъ же ко востокомъ имать Киликію, Памфилію, Писидію, Мосію, Лукаонію, Фругію, Камалію, Ликію, Карію, Лудью, Масію другую, Троаду, Еолиду, Вифунию, старую Фругію; и острова нѣки имать: Саръдани, Критъ, Купръ, и рѣку Гѣону, зовемую Нилъ. Афету же яшась полунощныя страны и западныя: Мидія, Альванья, Арменія малая и великая, Кападокія, Феолагони, Галатъ, Колхисъ, Воспоріа, Меоти, Дереви, Сармати Тавріани, Скуеіа, Фраци, Макидонья. Далматія, Молоси, Тесалья, Локрія. Пеленія яже и Полопонисъ наречеса, Аркадія, Ипиронія, Илюрикъ. Словѣне, Лухитія, Аньдріакія, Оньдрѣятинская пучина; имать же и острова: Британію, Сицилію, Евію, Родока, Хіона, Лѣзвона, Ко-

фирана, Закуньфа, Кефалинья, Ифакину, Керькуру, часть Асійскія страны, нарицаемую Онію, рѣку Тигру, текущую межю Миды и Вавилономъ; до Понетьского моря на полнощныя страны, Дунай, Дъвѣстръ, и Кавкасинскія горы, рекше Угорьски, и оттудѣ доже и до Днѣпра; и прочая рѣки: Десна, Припеть, Двина, Волховъ, Волга, яже идетъ на востокъ въ часть Симову. Въ Афетовѣ же части сѣдять: Русь, Чюдъ и вси языци, Меря, Мурома, Вель, Морьдва, Заволочская Чудъ, Пермь, Печера, Ямь, Угра, Литва, Зимьгола, Корсь, Сѣтьгола, Любь; Ляхове же, и Пруси, Чудъ присѣдять къ морю Варяжьскому; по сему же морю сѣдять Варязи сѣмо ко вѣстоку до предѣла Симова, по тому же морю сѣдять къ западу до землѣ Агнянски и до Волошьски. Афетово бо и то колѣно: Варязи, Свен, Урмане, Готѣ, Русь, Агняне, Галичане, Волъхва, Римляне, Нѣмци, Корлязи, Вендици, Фрягове и прочіи; доже присѣдять отъ запада къ полуденью и съсѣдятся съ племянемъ Хамовымъ.

Симъ же, и Хамъ, и Афетъ, раздѣливше землю, жребьи мѣтавшѣ не преступати никомуже въ жребіи братень, живяху кождо въ своей части. Бысть языкъ единъ. и умножившемся челоукомъ на земли, помыслиша создати столпъ до небесе, въ дни Нектана и Фалека; и собращася на мѣстѣ Сенаръ ползати столпъ до небесе и градъ около его Вавилонъ, и создаша столпъ за 40 лѣтъ, несвершенъ бысть. И сниде Господь Богъ видѣти градъ и столпъ, и рече Господь се родъ единъ и языкъ единъ. И съмѣси Богъ языки, и раздѣли на 70 и 2 языка, и разсѣя по всей земли. По размѣшенъи же языкъ, Богъ вѣтромъ великимъ разруши столпъ; и есть останокъ его промежю Асюра и Вавилона, и есть въ высоту и въ широту локоть 5433, и въ лѣта многа хранимъ останокъ. По разрушенъи же столпа и по раздѣленъи языкъ, пріяша сынове Симови вѣсточныя страны, а Хамови сынове полуденьныя страны, Афетови же пріяша западъ и полунощныя страны. Отъ сихъ же 70 и 2 языку бысть языкъ Словѣнескъ отъ племени Афетова, Норци, еже уть Словѣне.

По мнозѣхъ же времянѣхъ сѣли суть Словѣни по Дунаеви, гдѣ есть нынѣ Угорьска земля и Болгарьска. Отъ тѣхъ Словѣнъ разидошася по землѣ и прозвашася имены своими, гдѣ сѣдше на которомъ мѣстѣ: яко пришедше сѣдоша на рѣцѣ

и именемъ Морава и прозвашася Морава, а друзи Чеси нарекошася; а се ти же Словѣни Хровате Бѣлиа, и Серебь, и Хорутане. Волхомъ бо нашедшемъ на Словѣни на Дунайскія, сѣдшомъ въ нихъ и населящемъ имъ, Словѣни же ови пришедше сѣдоша на Вислѣ и прозвашася Ляхове, а отъ тѣхъ Ляховъ прозвашася Поляне, Ляхове друзи Лутичи, ини Мазовшане, ини Поморяне. Также и ти Словѣне пришедше и сѣдоша по Днѣпру, и нарекошася Поляне, а друзи Древляне, зане сѣдоша въ лѣсѣхъ; а друзи сѣдоша межю Припетью и Двиною, и нарекошася Дреговичи; ини сѣдоша на Двинѣ и нарекошася Полочане, рѣчки ради, яже втечетъ въ Двину, и именемъ Полота, отъ сея прозвашася Полочане. Словѣни же сѣдоша около езера Илмеря, прозвашася своимъ именованиемъ, и сдѣлаша градъ, и нарекоша и Новъгородъ; а друзи сѣдоша по Деснѣ, и по Семи, по Сулѣ, и нарекошася Сѣверь. Тако разидеся Словѣнскій языкъ; тѣмже и грамота прозвася Словенская.

Поляномъ же жившимъ особѣ по горамъ симъ, бѣ путь изъ Варягъ въ Греки; и изъ Грекъ по Днѣпру, и верхъ Днѣпра волокъ до Ловоти, по Ловоти внити въ Илмерь озеро великое, изъ него же озера потечеть Волховъ и втечетъ въ озеро великое Нево, того озера видеть устье въ море Варяжское, и по тому морю ити до Рима, а отъ Рима пряти по тому же морю ко Царюгороду, а отъ Царягорода прити въ Понтъ море, въ не же втечетъ Днѣпръ рѣка. Днѣпръ бо потече изъ Оковскаго лѣса, и потечеть на полъдне; а Двина изъ того же лѣса потечеть, а идетъ на полунощье. и видеть въ море Варяжское; изъ того же лѣса потече Волга на вѣстокъ, и втечетъ семьюдесять жерель въ море Хвалпское. Тѣмже и изъ Руси можетъ ити въ Болгары и въ Хвалисы, на вѣстокъ донти въ жребій Симвъ; а по Двинѣ въ Варяги, изъ Варягъ до Рима, отъ Рима до племени Хамова. А Днѣпръ втечетъ въ Понетское море жереломъ, еже море словеть Руское, по нему же училъ святыи Ондрѣи, братъ Петровъ.

Якоже рѣша, Ондрѣю учащю въ Синопіа и пришедшю ему въ Корсунъ, увидѣ, яко изъ Корсуни близъ устья Днѣпрское, вѣсхотѣ поити въ Римъ и приде въ устье Днѣпрское; оттолѣ поиде по Днѣпру горѣ, и по приключаю приде и ста подъ горами на березѣ. Заутра вѣставъ и рече къ сущимъ съ нимъ

ученикомъ: «видите ли горы сія? яко на сихъ горахъ возсі-
яетъ благодать Божья, имать градъ великъ быти, и церкви
многи Богъ въздвигнути имать.» Въшедъ на горы сія, благо-
слови я, постави крестъ, и помолвивъся Богу, и сълѣзъ съ го-
ры сея, идѣже послѣже бысть Кіевъ, и поиде по Днѣпру горѣ.
И приде въ Словѣни, идѣже нынѣ Новъгородъ; и видѣ ту лю-
ди суцая, како есть обычай имъ, и какъ ся мьютъ, хвощутъ-
ся, и удивися имъ. Иде въ Варяги и приде въ Римъ, испо-
вѣда, елико научи и елико видѣ, и рече имъ: «дивно видѣхъ
Словѣнскую землю, идучи ми сѣмо видѣхъ бани древоны, и
перезьгутъ ё рамяно, совлокутъся и будутъ назн, и облѣются
квасомъ усціянымъ, и возмутъ на ся прутье младое, быются
сами и того ся добьютъ, егда влѣзуть лп живи, и облѣются
водою студеною, тако оживутъ; и то творять по вся дни не-
мучими никимъже, но сами ся мучать, и то творять не мо-
венье собѣ, а мученье.» Ты слышаще дивляхуса; Оньдрѣи же
бывъ въ Римѣ, приде въ Синопію.

Поляномъ же живущемъ особѣ и володѣющемъ роды сво-
ими, иже и до сео братьѣ бяху Поляне, и живяху каждо съ
своимъ родомъ и на своихъ мѣстѣхъ, владѣюще каждо родомъ
своимъ. Быша 3 братья, единому имя Кій, а другому Щекъ,
а третьему Хоривъ, сестра ихъ Лыбедь. Сѣдѣще Кій на горѣ,
гдѣ же нынѣ увозъ Боричевъ, а Щекъ сѣдѣше на горѣ, гдѣ
нынѣ зовется Щековица, а Хоривъ на третьей горѣ, отъ него
же прозвася Хоревница; и створиша градъ, во имя брата своего
старѣйшаго, и нарекоша имя ему Кіевъ. Бяше около града гѣсъ
и боръ великъ, и бяху ловяща звѣрь; бяху мужи мудри и
смыслени, нарицахуса Поляне, отъ нихъ же есть Поляне
въ Кіевѣ и до сего дне. Ини же не свѣдуще рекоша,
яко Кій есть перевозникъ былъ; у Кіева бо бяше пере-
возъ тогда съ оной стороны Днѣпра, тѣмъ глаголаху: на
перевозъ на Кіевъ. Аще бо бы перевозникъ Кій, то не бы
ходилъ Царюгороду; но се Кій княжаше въ родѣ своемъ; при-
ходившю ему ко царю (*), якоже сказаютъ, яко велику честь
пріялъ отъ царя, при которомъ прилодивъ царя. Идущю же
ему опять, приде къ Дунаеву, възлюби мѣсто и срубн гра-

(*) Въ Хлѣбн. далѣе недостаетъ листа.

догь магь, хотяше състи съ родомъ своимъ. и не даша ему ту близь живущи; еже и доннѣ наричють Дунайци городище Кіевець. Кіеви же пришедшю въ свой градъ Кіевъ, ту животъ свой сконча; а братъ его Щекъ и Хоривъ и сестра ихъ Лыбедь ту скончашася.

И по сихъ братьи держати почаша родъ ихъ княжене въ Поляхъ; въ Деревляхъ свое, а Дреговичи свое, а Словѣни свое въ Новѣгородѣ, а другое на Полотѣ, иже Полочане. Отъ нихъ же Кривичи, иже сѣдять наверхъ Волги, и наверхъ Двины и наверхъ Днѣпра, ихъ же градъ есть Смоленскъ; туда бо сѣдять Кривичи, таже Сѣверъ отъ нихъ. На Бѣлѣозерѣ сѣдять Веси, а на Ростовскомъ озерѣ Мери, а на Клецинѣ озерѣ Мери же; по Оцѣ рѣцѣ, гдѣ потече въ Волгу, Муромъ языкъ свой, и Черемиси свой языкъ, Морьдва свой языкъ. Се бо токмо Словѣнскъ языкъ въ Руси: Поляне, Деревляне, Ноугородци, Полочане, Дреговичи, Сѣверъ, Бужане, зане сѣдоша по Бугу, послѣже Вельняне. А се суть иніи языци, иже дань даютъ Руси: Чюдь, Мери, Веси, Муромъ, Черемиси, Морьдва, Пермь, Печера, Ями, Литва, Зимигола, Корсь, Норова, Либи; си суть свой языкъ имущи, отъ колѣна Афетова, иже живутъ въ странахъ полунощныхъ.

Словѣнску же языку, якоже рекохомъ, живущю на Дунаи, придоша отъ Скуеъ, рекше отъ Козарь, рекоміи Болгаре, сѣдоша по Дунаеви, населници Словѣномъ быша. Посемъ придоша Угри Бѣли, наслѣдиша землю Словенску; си бо Угри почаша быти при Иракліи цари, иже находиша на Хоздроя царя Перьскаго. Въ си же времяна быша и Обри, ходиша на Ираклія царя и мало его не яша; си же Обрѣ воеваху на Словѣнѣхъ и примучиша Дулѣбы, суцая Словѣны, и насилье творяху женамъ Дулѣбскимъ: аще поѣхати будяше Обрину, не дадяхе въпрячи коня, ни вола, но веляше въпрячи 3 ли, 4 ли, 5 ли женъ въ телѣгу и повезти Обрѣна; тако мучаху Дулѣбы. Быша бо Обрѣ тѣломъ велици и умомъ горди, и Богъ потреби я, помроша вси, и не остана виединъ Обринъ; есть притѣча въ Руси и до сего дне: погибоша аки Обрѣ. ихъ же нѣсть племени, ни наслѣдка. По сихъ же придоша Печенѣзи; пакы идоша Угри Черніи мимо Кіевъ, послѣже при Олзѣ.

Полянѣмъ же живущемъ особѣ, якоже рекохомъ, суще отъ рода Словѣнска, и нарекошася Поляне, а Древляне же отъ Словѣнъ же, и нарекошася Древляне; Радимичи бо и Вятичи отъ Ляховъ. Бяста бо 2 брата въ Лясѣхъ, Радимъ, а другій Вятко; и пришедъша сѣдоста, Радимъ на Сѣжю, прозвашася Радимичи, а Вятко сѣде съ родомъ своимъ по Оцѣ, отъ него же прозвашася Вятичи. И живяху въ мирѣ Поляне, и Древляне. Сѣверъ, и Радимичъ, и Вятичи, и Хрвате. Дулѣби живяху по Бугу, гдѣ нынѣ Вельняне, а Улучи Тиверьци сѣдяху по Днѣстру, присѣдяху къ Дунаевн: бѣ множество ихъ, сѣдяху бо по Днѣстру оли до моря, суть гради ихъ и до сего дне. да то ся зваху отъ Грекъ Великая Скуѣ.

Имяху бо обычаи свои, и законъ отецъ своихъ и преданья, кождо свой нравъ. Поляне бо своихъ отецъ обычаи имуть кротокъ и тихъ, и стыдѣнье къ снохамъ своимъ и къ сестрамъ, къ матеремъ и къ родителемъ своимъ, къ свекровемъ, и къ деверемъ велико стыдѣнье имѣху; брачныи обычаи имяху: не хожаше зять по невѣсту, но приводяху вечеръ, а завтра приношаху по ней что владуче. А Древляне живяху звѣриньскимъ образомъ, живуще скотьски: убиваху другъ друга. ядаху вся нечисто, и брака у нихъ не бываше, но умыкиваху уводы дѣвицы. И Радимичи, и Вятичи, и Сѣверъ одинъ обычаи имяху: живяху въ лѣсѣ, якоже всякій звѣрь. ядуще все нечисто, срамословье въ нихъ предъ отци и предъ снохами; браци не бываху въ нихъ, но игрища межю селы. Схожахуса на игрища, на плясанье, и на вся бѣсовская игрища, и ту умыкаху жены собѣ, съ нею же кто съвѣщашеся; имяху же по двѣ и по три жены. Аще кто умряше, творяху трызну надъ нимъ, и посемъ творяху кладу велику, и въвложашуть и на кладу мертвеца, сожьжаху, а посемъ собравше кости, вложяху въ судину малу и поставяху на столпѣ на путехъ. еже творять Вятичи и нынѣ. Си же творяху обычая Кривичи, прочи поганіи, не вѣдуще закона Божья, но творяще сами собѣ законъ.

Глаголетъ Георгій въ лѣтописаньи (*): ибо комуждо языку овѣмъ исписанъ законъ есть, другимъ же обычая; зане безаконни-

(*) Хронографъ Георгій Амартолъ.

комъ отечествіе мнятся. Отъ нихъ же первіе Сиріи, живуще на конецъ земля, законъ имуть отецъ своихъ обычай: не любодѣяти и предлюбодѣяти, ни красти, ни оклеветати, ни убѣти, ни злодѣяти весьма. Законъ же Нуктиріанъ, глаголеми Врахмане и Островъници, еже отъ прадѣдъ показаньемъ, благочестьемъ мясъ не ядуще, ни вина пьюще, ни блуда творяще, никакая же злобы творяще, страха ради многа. Ибо явѣ таче прилежащимъ къ нимъ Индомъ, убѣстводѣици, сквернотворяще, гнѣвливи паче естества; въ нутрянѣйшей странѣ ихъ человекъ ядуще, и страньствующихъ убиваху, паче же ядятъ яко пси. Етеръ же законъ Халдѣемъ, Вавилоняномъ, матери поимати, съ братними чады блудъ дѣяти, и убивати; всякое бо студное дѣянье яко дѣтеле мнятся дѣюще, либо далече страны своя будутъ. Инъ же законъ Гидіомъ: жены въ нихъ орютъ, зиждутъ храми, мужская дѣла творять, но любы творять елико хощеть, не въздержаемы отъ мужій своихъ весьма, ни азрять; въ нихъ же суть храбрыя жены, ловити звѣрь крѣпко; владѣютъ же жены мужи своими (*) и добляютъ ими. Во Врѣтанѣи же мнози мужи съ единою женою снать, и жены съ единымъ мужемъ похотѣствуютъ, безаконная законъ отецъ творять независтно, ни въздержанно. Амазоняне же мужа не имуть, но и аки скотъ безсловесный единою лѣтомъ къ вешнымъ днемъ оземьствени будутъ, и сочтаются съ окрестными мужи; яко нѣкоторое имъ торжество и велико празденьство время тѣмъ мнать. Отъ нихъ заченшиимъ въ чревѣ, паки разбѣгнутся отсюду вси: во время же хотящимъ родити, аще родится отроча, погубять; аще дѣвоческъ полъ, то въздоять, прилежнѣ въспитають. Якоже се и при насъ нынѣ Половци законъ держать отецъ своихъ, кровь проливати, а хвалящеса о сихъ, ядуще мерьтвечину и всю нечистоту, хомѣки и сусолы; поимають мачехи своя, ятрови, и ныи обычая отецъ своихъ творять. Мы же христіане, елико земля, иже вѣрують въ святую Троицю, въ едино крещенье, въ едину вѣру, законъ имами единъ, елико во Христа крестяхомся и во Христа облекохомся. По сихъ же лѣтѣхъ, цо смерти братьѣ сѣя; быша обидимы Древлѣями, инѣми околними, и найдоша я Козарѣ сѣдающая на

(*) Продолжается Хлѣби.

горахъ сихъ въ лѣсѣхъ, и рѣша Козари: «платите намъ дань». Съдумавше Поляне и вдаша отъ дыма мечь (*), и несоща Козари ко князю своему и къ старійшинамъ, и рѣша имъ: „се налѣ. зохомъ дань нову“. Они же рѣша имъ: „откуда?“ они же рѣша: „въ лѣсѣ на горахъ, надъ рѣкою Днѣпрською“. Они же рѣша: „что суть въ дали?“ они же показаша мечь. Рѣша старци Козарьстїи: „недобра дань, княже! мы ся доискахомъ оружьемъ одиною стороною, рекше саблями, а сихъ оружье обоюду остро, рекше мечь; си имуть имати дань на насъ и на инѣхъ странахъ“. Се же сбысться все; не отъ своей воля рекоша, но отъ Божья повелѣнья. Яко при Фаравонѣ цари Еюпетьстѣмъ, еда приведоша Моисѣя предъ Фаравона, и рѣша старѣйшина Фараона: се хочеть смирити область Еюпетьскую. Якоже и бысть: погибоша Еюптїане отъ Моисѣя, а первое быша работающе имъ. Тако и си владѣша, а послѣже самѣми владѣють; якоже бысть, володѣють Козары Русьскїе и до днешняго дне.

Въ лѣто 6360, индикта 15, наченшио Михаилу царствовати. начася прозывати Руска земля. О семъ бо увѣдохомъ, яко при семъ цари приходиша Русь на Царьгородъ, якоже пишется въ лѣтописаньи Гречьстѣмъ: тѣмже отселѣ почнемъ и числа положимъ. Яко отъ Адама до потопа лѣтъ 2242; а отъ потопа до Аврама лѣтъ 1000 и 82; а отъ Аврама до исхожденья Моисѣева лѣтъ 430; а отъ исхожденья Моисѣева до Давыда лѣтъ 600 и 1; а отъ Давыда и отъ начала царства Соломона до плѣненья Іерусалимля лѣтъ 448; а отъ плѣненья до Олександра лѣтъ 318; а отъ Олександра до Рожества Христова лѣтъ 333; а отъ Христова Рожества до Костянтина лѣтъ 318; а отъ Костянтина же до Михаила сего лѣтъ 542. А отъ перваго лѣта Михаилова де перваго лѣта Олгова, Рускаго князя, лѣтъ 29; а отъ перваго лѣта Олгова, понеже сѣде въ Кїевѣ, до перваго лѣта Игорева лѣтъ 31, а отъ перваго лѣта Игорева до перваго лѣта Святъславля лѣтъ 33; а отъ перваго лѣта Святославля до перваго лѣта Ярополча лѣтъ 28; а Ярополкъ княжи лѣтъ 8; а Володимеръ лѣтъ 37; а Ярославъ княжи лѣтъ 40. Тѣмже отъ смерти Святославля до смерти Ярославлѣ лѣтъ 85; а отъ смерти Ярославлѣ до смерти Святополчи лѣтъ 60.

(*) Въ Радз. далѣе недостаетъ листа.

Но мы на прежнее возвратимся, скажемъ, што ся удѣя лѣта си, якоже преже почали бяхомъ первое лѣто Михаиломъ, а по ряду положимъ числа.

Въ лѣто 6361. Въ лѣто 6362. Въ лѣто 6363. Въ лѣто 6364. Въ лѣто 6365. Въ лѣто 6366. Михаилъ царь изиде съ вон бегомъ и моремъ на Болгары; Болгаре же увидѣвши, не могоша стати противу, креститися просиша и покоритися Грекомъ. Царь же крести князя ихъ и боляры вся, и миръ створи съ Болгары.

(*) Въ лѣто 6367. Имаху дахъ Варязи изъ заморья на Чюди и на Словѣнхъ, на Мери и на всѣхъ Кривичѣхъ; а Козари имаху на Поляцѣхъ, и на Сѣверѣхъ, и на Вятчѣхъ, имаху по бѣлѣ и вѣверицѣ отъ дыма.

Въ лѣто 6368. Въ лѣто 6369. Въ лѣто 6370. Изгнаша Варяги за море, и не дана имъ дань, и почаша сами въ собѣ володѣти; и не бѣ въ нихъ правды, и вѣста родъ на родъ, быша въ нихъ усобицѣ, и воевати почаша сами на ся. Рѣша сами въ собѣ: „поищемъ собѣ князя, иже бы володѣлъ нами и судилъ по праву.“ Идоша за море къ Варягомъ къ Руси. сице бо ся зваху тѣ Варязи Русь, яко се друзи зовутся Свое, друзи же Урмане, Ангыляне, друзи Гѣте; тако и си. Рѣша Руси Чюдъ, Словѣни и Кривичи: „вся земля наша велика и обилна, а наряда въ ней нѣтъ; да поидѣте княжитъ и володѣти нами“. И избрашася 3 братья съ роды своими, поаша по собѣ всю Русь, и придоша; старѣйшій Рюрикъ сѣдѣ въ Новѣградѣ, а другій Синеусъ на Бѣлѣозерѣ, а третій Изборьстѣ Труворѣ. Отъ тѣхъ прозвася Руская земля, Новугородьци: ти суть людѣ Ноугородьци отъ рода Варяжска, преже бо бѣша Словѣни. По дву же лѣту Синеусъ умре, и братъ его Труворъ, и прія власть Рюрикъ; и раздая мужемъ своимъ грады, овому Полотескѣ, овому Ростовѣ, другому Бѣлоозеро И по тѣмъ городомъ суть находници Варязи; а перьвиі насельници въ Новѣгородѣ Словѣне, Полотьски Кривичи, въ Ростовѣ Меря, въ Бѣлѣозерѣ Весь, въ Муромѣ Муромы. и тѣми всѣми обладаше Рюрикъ. И бяста у него 2 мужа, не племени его, но

(*) Продолжается Радз.

боярина, и та испросистася ко Царюгороду съ родомъ своимъ. И поидоста по Днѣпру, и идуче мимо, и узрѣста на горѣ градокъ и упрашаста, рѣста: „чій се градокъ?“ они же рѣша: „была суть 3 брата, Кій, Щекъ, Хоривъ, иже сдѣлаша градокъ ось, и изгибоша, и мы сѣдимъ платяче дань родомъ ихъ Козаромъ“. Асколдъ же и Диръ остаста въ градѣ семь, и многи Варяги скуписта, и начаста владѣти Польскою землею. Рюрику же княжашу въ Новѣгородѣ.

Въ лѣто 6371, въ лѣто 6372, въ лѣто 6373, въ лѣто 6374, иде Асколдъ и Диръ на Греки, и придоша въ 14 лѣто Михаила царя. Царю же отшедшю на Огаряны, дошедшю же ему Черные рѣки, вѣсть епархъ посла къ нему, яко Русь на Царьгородъ идетъ, и вратися царь. Си же внутрь Суду вшедше, много убійство крестьяномъ створиша, и въ двою сотъ корабль Царьградъ оступиша. Царь же едва въ градъ вниде: съ патрехомъ съ Фотьемъ къ сущей церкви святѣй Богородицѣ Влахѣриѣ всю ночь молитву створиша. таже божественную святы Богородица ризу съ пѣснями изнесъше, въ рѣку омочиша. Тишинѣ сущи, морю укротившюся, абѣ буря вѣста съ вѣтромъ, и волнамъ вельямъ вѣставшемъ засобъ, безбожныхъ Руси корабль смяте, къ берегу приверже, и избя я, яко мало ихъ отъ таковыя бѣды избѣгнути. вѣсвоиса вѣзвратисася.

Въ лѣто 6375. Въ лѣто 6376. Поча царствовати Василій.

Въ лѣто 6377. Крещена бысть вся земля Болгарская.

Въ лѣто 6378. Въ лѣто 6379. Въ лѣто 6380. Въ лѣто 6381. Въ лѣто 6382. Въ лѣто 6383. Въ лѣто 6384. Въ лѣто 6385. Въ лѣто 6386. Въ лѣто 6387. Умершю Рюрикови, предасть княжене свое Ольгови, отъ роду ему суща, вѣдавъ ему сынъ свой на рудѣ Игоря; бысть бо дѣтескъ вельми.

Въ лѣто 6388. Въ лѣто 6389. Въ лѣто 6390. Поиде Олегъ, поимъ воя многи, Варяги, Чюдъ, Словѣни, Мерю, Вель, Кривичи, и приде къ Смоленску съ Кривичи, и прія градъ, и посади мужъ свой. Оттуда поиде внизъ, и взя Любець, и посади мужъ свой. Придоста къ горамъ къ Кіевскимъ, и увидѣ Олегъ, яко Асколдъ и Диръ княжита, похорони вон въ лодьяхъ, а другія назади остави, а самъ приде нося Игоря дѣтеска. И приплу подъ Угорское, похоронивъ вон своя, и присла ко Асколду и Дирови, глаголя: „яко гость есмь, идемъ въ